

آبونه شرائطی

ممالك عثمانیه ده سنه لکی (۶۵) ، التي
آیلنی (۳۵) غروشدرد. ممالك اجنبیه ده
سنه لکی (۱۷) ، التي آیلنی (۹) فرانقدر.
[ایضاحات : نسخہ سی الی پاره ، التي
آیلنی بر جلد ، هر جلد ۲۶ نسخہ در.]

اخطارات

§ آبونه بدلی پشیندر.
§ آدرس تبدیلندہ قرق پارہ لک
پول کوندوللی در .
§ مسئلہ موافق آثار مع المصنویہ
قبول اولنور . درج ایدیلیمین یازیلر
اعاده اولونماز .

الشریفات

۱۳۳۰ ۱۳۳۱

دینی ، علمی ، ادبی ، سیاسی هفته لقی مجموعه اسلامیہ در

اخطارات

رسالہ مزدن آلدیغی کوسترملک شرطیلہ
بتون یازیلر هر هانکی بر غزته طرفندن
اقتباس اولونه بیلیر .

§

مکتوبلرک ، امضالرک واضح و اووقناقلی
اولسی و آبونه صرہ نومرہ سی محتوی
بولونمسی ؟

§

ممالك اجنبیه ایچون آبونه اولانلرک
آدرس لریک فرانسرجه سی ده یازلمسی ؟

§

پاره کوندوللیکی زمان نہیہ دائر اولدیغنک
واضحاً بیلدیرلمسی رجا اولنور .

اتبعون اهدکم سبیل الرشاد

والله یهدی من یشاء الی صراط مستقیم

صاحب و مدیر مسئول : ح. اشرف ادیب

جلد ۱۰

۳۰ مایس ۱۳۲۹

پنجشنبه

۷ رجب شریف ۱۳۳۱

عدد ۲۴۸

حسب حال

مسلمانلرک اک بویوک حکیمی ، امام علی رضی الله عنه :
« لاتعرف الحق بالرجال ، اعرفوا الحق تعرف اهلہ = حق ، حقیقی
برطامق آدم لره قائم بیلیمه . اولا حقک نه اولدیغی اوکرن که اهلنی ده
طانییه بیلیمسک . » بویوریور .

دنیا ده بونک قدر قطعی ، بونک قدر آچق بردستور حکمت
اولاماز . بز مسلمانلر حق ایله باطلی بربرندن آیرمق ایچون سویله یینه
دکل ، سویله نه باقدیغمز ؛ شخصی دکل ، سوزی طارتدیغمز دورلرده
جهانک اک یوکسک ملتی ایمئز . صوکره لری ، اورته یه سورولن
فکرده کی استقامته ، یاخود سقامته کندی مجاهده مزله ، کندی
اجتهادیمزله حکم ایده بیلیم یی اوزون بر ایش کورمشزده اونک ایچون
بوتون قناعتلریمز ، بوتون حرکتلریمز مقلد لکدن عبارت قالمش ؛
اسلامک ایلک دورلرندن زمان اعتباریله نه قدر اوزاق دوشمسیه ک
تحقیق دینیان فیض الهی ده بزدن اونستنده یوز چویرمش .

ایستر یوزینی شرقه ، اوموزینی غربه ویرمش ؛ ایستر ، بووضعیتک
عکسینی عادت ایدیمش اولسون . . . کیمی یوقلاسه کز : مطلق اهل
حق طانی دینی محدود برایی . آدمک فکرینه ماشاة ایدر بولورسکز .
« شوسوز یک طوغرودر ، یا کلش اولق احتمالی یوقدر . زیرا فلان دن
صدور ایتشدرد . » طرزنده کی حکم غریب هیمنز ایچون شعار حکمت
اولمش کیتمش !

تقلیدک بودرجه سی دمن سویلیدی کمز وضعیتک دوامنه اک بویوک
برسبب اولیورکه بز بوسبی قالدیرمه مازسه قیامته قدر یوزیوزده کلوب ده
ملتک ، مملکتک خیری ایچون حسب حال ایده میه جکمز !

یک سودیکم محترم بر آرقداشم سکمز اون سنه اول شویله برحکایه

سویله مش ایدی : « دها استانبوله کله مشدم . بر کون مملکتیمزک عالم
طانیلان رجالی آره سنده فقہک معاملات قسمنه عائد اولدیجه مهم بر
بحث مناقشه ایدیلیدیور . فکرلر ، دها طوغروسو مأخذلر تعارض
ایدنجه کندی رأیی ، یعنی کندی اوقودینی کتابک مصنفنی حقلی حیقارمق
ایچون سسنی دیکر لرندن زیاده یوکسلتن بر ذات قارشیسنده کنه : « سن
بو سوزلری یازمه کتابدن می سویلیورسک ، یوقسه باصمه کتابدن می ؟ »
دیدی . بو سؤال اوزرینه باشقه باشقه مصنفلره عائد ایکی کتابک بری
باصمه ، دیکری یازمه اولورسه هانکیسیله عمل اولمق ، هانکیسینک سوزی
ترجیح ایدلک ایجاب ایده جکی ده روزنامه مناقشاته ادخال اولندی !
کچارده فضالادن بری غایت مهم بر مسئله اصولیه میدانہ حیقاردی که
بوده بر اجتهادک محصولی دکل ، آنجق سورکلی بر مجاهده نک ثمره سی
ایدی . دینه ، دنیا یه هیچ یارامیان ؛ یاخود اہمیتی اوچنچی ، دردنجی .
درجه لرده قالان مسائل ایله زمانی اولدور میوبده بویله طوغرودن
طوغرویه حیات ائمه تعلق ایدن بر مسئله یی نظر اطلاعمزک اوکنه
حیقاران فاضل مجاهده عن صمیم القلب تشکر لرایدرکن باقی کز نه ایشیتدم :
بو مسئله مأخذلریله ، دلیللریله برابر صلاحیتدار اولسی لازم کلن
ذواته ایضاح ایدلش : بر قسمی دیککه مک زحمتی اختیار ائمه مش ؛ بر
قسمی ده صوک زمانده کلن مصنفلرک کتابلرنده بویله بر مسئله وارمی
یوقی بیلیمدیکی ایچون قبولندن اعتذار ایتمش !

تاریخ تکرردر دیرلر . یک طوغرو . ایشته آرقداشمک اون سنه
اولکی حکایه سی عیناً ظهور ایتدی . اسف اولنه جق بر جهت وارکه
اوده : تاریخک تکرری سوزی بزه کنججه مصیتک تکرری ، دها
طوغروسو تمادیمی کبی بر معنی افاده ایدیور . باشقه برشی دکل !

محمد عاکف